

→ BISNES



Mohamad Amri Sahari

Mohamad Amri dilantik Ketua Pegawai Eksekutif MSM

Mohamad Amri Sahari dilantik sebagai Ketua Pegawai Eksekutif (CEO) MSM Malaysia Holdings Bhd (MSM) berkuat kuasa semalam, menggantikan Datuk Sheikh Awab Sheikh Abod yang meninggal dunia, April lalu.

Amri adalah Timbalan CEO MSM sejak Mac 2011, kata kumpulan itu dalam makluman kepada Bursa Malaysia, semalam.

Sebelum menyertai MSM, Amri ialah Pemangku Pengurus Besar, Pemeroletan dan Perkhidmatan Bekalan bagi FELDA Palm Industries Sdn Bhd.

Pastikan visi tercapai

"Saya amat berbesar hati dengan pelantikan ini dan menjadi keutamaan saya untuk memastikan visi yang ditetapkan oleh Allahyarham Datuk Sheikh dipenuhi," kata Amri dalam satu kenyataan.

Amri memulakan kerjaya sebagai jurutera kilang dengan FELDA Palm Industries Sdn Bhd pada 1989 dan dilantik sebagai Pemangku Pengurus Besar, Perkhidmatan Pemeroletan dan Bekalan dalam syarikat sama.

Beliau kemudian dinaikkan pangkat menjadi Ketua Pegawai Eksekutif MSM Perlis Sdn Bhd pada 2004.

Beliau memiliki Sarjana Perniagaan dan Pentadbiran (Pengurusan Strategik) daripada Universiti Teknologi Malaysia (UTM) dan Ijazah Sarjana Muda Sains (Kejuruteraan Mekanikal) daripada South Dakota State University, Amerika Syarikat.

Jawatan CEO kosong sejak April

Semasa memegang jawatan Timbalan CEO, beliau menerajui usaha pembangunan perniagaan dan inisiatif strategik syarikat, membangunkan rekod prestasi memina pasukan kepimpinan yang kukuh serta mencapai kepimpinan yang bermakna dan bertkualiti tinggi.

Jawatan CEO syarikat pengeluar gula tebesar di negara itu tidak diisi sejak April tahun ini selepas kematian Sheikh Awab pada usia 56 tahun.

MSM mengusahakan perniagaan gula FELDA Global Ventures Holdings Bhd menerusi dua anak syarikat beroperasi, MSM Prati Bhd dan MSM Peris Sdn Bhd, serta syarikat logistik -MSM Logistics Sdn Bhd dan syarikat dagangan -MSM Trading International DMCC, di Dubai, Emiriah Arab Bersatu (UAE). **BERNAMA**



[FOTO: HSIAN JABATAN KETUA MENTERI]

Idris (kiri) bersama Takehiko (kanan) menyaksikan Kamarudin dan Ryuchi menandatangani perjanjian kerjasama projek lampu jalan cekap tenaga di Singapura, semalam.

RM200 juta pasang lampu jalan cekap tenaga di Melaka

→ Bank

Pembangunan Asia, PTHM jalin kerjasama bangunkan projek

Oleh **Badrul Hizar Ab Jabar**
bhbiz@bh.com.my

Bank Pembangunan Asia (ADB) dan Perbadanan Teknologi Hijau Melaka (PTHM) menandatangani perjanjian khidmat nasihat perniagaan bagi membangunkan projek pemasangan lampu jalan cekap tenaga di Melaka.

Projek menerusi Pertongsian Awam Swasta (PPP) yang membolehkan belanja kira-kira RM200 juta itu bagi memasang lebih 100,000 lampu jalan jenis diod pemancar cahaya (LED) di

seluruh Melaka menggunakan sistem lampu rangkaian digital.

Majlis menandatangani perjanjian itu diadakan di Singapura semalam di antara Ketua Pegawai Eksekutif PTHM, Datuk Kamarudin Md Shah dan Ketua Pejabat Kerjasama Awam-Swasta ADB, Ryuchi Kaga.

Kos tenaga rendah

Yang turut hadir, Ketua Menteri Melaka, Datuk Seri Idris Haron dan Presiden ADB, Takehiko Nakao.

Idris berkata, projek berkenaan akan meningkatkan pencahayaannya, kos tenaga lebih rendah, mengurangkan pelepasan karbon dioksida dan mengukuhkan keselamatan rangkaian jalan raya di seluruh Melaka.

Katanya, projek yang di-biaya menggunakan modal swasta itu, sekali gus menyokong usaha Malaysia mencapai pengurangan pelepasan gas rumah hijau sebanyak 40 peratus menjelang tahun 2020. "Ia juga menjadi satu da-



Projek berkenaan akan meningkatkan pencahayaannya, kos tenaga lebih rendah, mengurangkan pelepasan karbon dioksida dan mengukuhkan keselamatan rangkaian jalan raya di seluruh Melaka"

Idris Haron,
Ketua Menteri Melaka

ripada inisiatif penting di bawah Program Pembangunan Bandar Mampan bagi Segi Tiga Pertumbuhan Indonesia-Malaysia-Thailand (IMT-GT)," katanya dalam kenyataan diadakannya kepada media di Melaka, semalam.

Menerusi perjanjian khidmat nasihat itu, ADB akan menjalankan kajian, termasuk membangunkan struktur PPP dalam bank, mereka bentuk strategi perolehan bagi kongsi sektor swasta yang berkesesuaian serta memberi nasihat mengenai pemilihan dan rundingan.

Sementara itu, Nakao berkata, pihaknya menyokong usaha kerajaan Melaka dalam meningkatkan kecapan perkhidmatan awam menerusi penggunaan teknologi canggih dan PPP.

Kami berharap projek ini akan menjadi model perniagaan baharu untuk kecapan tenaga yang boleh diaplikasikan di negara-negara lain di Asia dan Pasifik, katanya.